

D. D.

CONSENT. AMPLISS. FACULTAT. PHILOSOPH.
IN REG. ACAD. ABOËNST,
DISSERTATIONEM PHILOLOGICAM,

DE

VERBO
NON
OBSCURO,
ES. VIII. 20.
PRÆSIDE
LAURENTIO O.
LEFREN,

L. L. O. O. ET GRÆC. PROFESS. REG. ET ORD.

Candidis rerum Censoribus examinandam sicut
ANDR. GUST. STRANDMANN,

Rossia-Wiburgensis.

DIE XIII. MARTII MDCCCLXXVI.

IN AUDIT. MAJ. TEMPORE A. M. SOLITO.

ABOË, Impressit JOHANN. CHRISTOPH. FRENCKELL.

SON EXCELLENCE,
MONSEIGNEUR LE PRINCE
PIERRE
NIKITITSCH
TRUBETSKOY,
SENATEUR,

CONSEILLER PRIVÉ ACTUEL ET CHAMBELLAN AU SERVICE DE SA MAJESTÉ IMPERIALE DE TOUTES LES RUSSIES, CHEVALIER DE L' ORDRE DE L' AIGLE BLANC.

MONSEIGNEUR.

Mon Pere m' ayant depuis ma plus tendre enfance inspiré un dévouement respectueux pour VOTRE EXCELLENCE, j'ose aujourd'hui, MONSEIGNEUR, mettre

tre à Vos piés cet *Essai Académique*. Fils d'un prédicateur, & me proposant d'entrer dans le même chemin, je me suis appliqué à chercher le vrai sens d'un verset de la Sainte Ecriture, qui nous enjoint de consulter la parole de Dieu, parce qu'elle n'est pas obscure, comme les arts magiques. Daignez, MONSEIGNEUR, de recevoir cette marque, quoique foible, du respect le plus parfait & le plus soumis, avec la bonté si généralement connue & estimée en Vous: daignez aussi continuer au fils la même protection que Vous avez si généreusement accordée à son Pere, & permettez que je sois avec la plus profonde soumission

MONSEIGNEUR,
DE VOTRE EXCELLENCE

le très humble & très obéissant
serviteur
ANDRÉ GUST. STRANDMANN.

MONSIEUR,
LE BARON,
JEAN DE
FREEDERICKSZ,

BANQUIER DE LA COUR DE SA MAJESTé
IMPERIALE DE TOUTES LES RUSSIES.

MONSIEUR.

Daignez me permettre, Monsieur, je Vous en
supplie, de Vous offrir ce petit *Essai Academique*,
foible tribut d' un respect merité à tant de titres.
Vous avez, Monsieur, honoré mon Pere de Vos
bontés: son fils a herité de ses sentimens, le même zèle

pour

pour le service de sa patrie, la même reconnaissance
envers ses bienfaiteurs: puisse-t-il, MONSIEUR, étre
digne de conserver la même place dans VOTRE sou-
venir & dans Vos bonnes graces! Je suis avec le
respect le plus profond,

MONSIEUR

Votre tres-humble & tres obéissant
serviteur
ANDRÉ GUST. STRANDMANN.

VIRO Plurimum Reverendo atque Præclarissimo,
Dn. ANDRÆ STRANDMANN,
Ecclesiæ, que DEO in Pyhäjärvi colligitur, Pastori Me-
ritissimo, vigilantissimo,
PARENTE INDULGENTISSIMO.

Quum nullam officium referenda gratia majus sit, facile vides, PARENTE INDULGENTISSIME, quam estuare debeat meus animus, dum tua in me beneficia cogito. Quo enim ea & plura & majora sunt, eo etiam intensior est affectus grati animi, quo ad ea adgnoscenda & recolenda feror. TIBI enim PARFNS OPTIME, non vitam solum, sed omnia etiam quibus gaudeo vitæ ornamenta & subfidia debeo. Inde enim a teneris mihi amorem pietatis singulari diligentia inspirare fateisti; Cumque paulo robustior esse inciperem, ipse mihi prima Litterarum rudimenta tanto studio infillasti, ut nihil addi potuerit. Quid dicam de montis plus quam paternis, quibus me ad Musas projectum Academicas semper ad studium solidæ virtutis incendere perrexisti? Quid de insignibus illis sumtibus, quibus meas in litteris progreßiones quotidie promovere studiasti? Singula majora sunt, quam ut verbis exprimi, neandum officiis rependi a me pro dignitate possint. Quod vero habeo, id TIBI, PARENTE INDULGENTISSIME offero, animum gratissimum, pietatisque plenissimum. Accipe insuper, ut talis animi tesseram, teneras hæc primitias studiorum meorum Academicorum, quæ tuis ipsis impensis in lucem jam prodeunt publicam! Quod reliquum est, nihil mihi prius erit, nihil antiquius, quam pro tua constanti felicitate vota nuncupare calidissima. Faxit Deus benignissimus, ut TE, PATER OPTIME, una cum MATER CARISSIMA, quam diutissime noī modo salvum & incolument, sed facundis etiam rerum successibus florentem quam diutissime videam in nominis Dicini gloriam, Ecclesiæ Christi emolumentum, & veritatis, de qua specimen nostrum agit, præsidium, nostrorumque omnium, quotquot tui sumus, gaudium & solatium certissimum. Sic suspirat, et ad extremum usque vitæ halitum suspirabit

PARENTIS INDULGENTISSIMI

filius obedientissimus
ANDR. GUST. STRANDMANN.



§. I.

Quum hoc singulis accidat scriptis, ut modos loquendi habeant, quæ partim ex institutis gentium, partim ex ingeniosis Scriptorum, partim aliis ex circumstantiis pendeant; mirum non est, quod nullum fere scripturæ genus invenire liceat, quin passim loca habeat, quæ variam admittant interpretationem. Si hoc locum habet in scriptis, cum adhuc vivæ sunt lingvæ, quibus consignata sunt, facile quisque videt, quid tum usu venire debeat, cum ea legimus, quæ lingvis dudum emortuis exarata sunt. Hæc quo longius a nostris vel moribus vel temporibus remota sint, eo plus obscuritatis habeant, necesse est; in primis ubi res continent, quæ aliunde intelligi nequeunt. Mirum igitur non est, quod in *Lingva Hebræa*, ut ex ea exemplum petamus, subinde multi occurrant nodi, quos ne doctissimi quidem Philologi adhuc solvere potuerint.

A

rint. Nam cum hæc lingva non tantum ultra duo abhinc milia annorum mortua fuerit, sed genium quoque spiret, quod a genio Lingvæ cujusque Europæ tantum distat, quantum a cœlo terra; ad solidam ejus scientiam pervenire *hoc opus hic labor est.* Difficultatem auget, quod ex universis lingvæ divitiis, quibus olim sine dubio abundavit, non nisi unus superest liber, qui ea consignatus est, is nimirum, quem nomine SACRI CODICIS Veteris fæderis veneramus, quique non tantum valde mediocris est molis, sed res quoque continet, quæ captum ingenii humani longissime superant. Nam præter *historica, physica, mathematica & id genus alia;* quæ passim admixta habet, in primis exponit abstrusissimum DEI consilium de salute hominum aeterna, quod neque ratione, neque meditatione, neque ulla alia via, quam revelatione Divina indagare licet. Quod si igitur in illis prioribus, quæ magis obvia sunt, aqua nobis subinde hæreat, idem saepius in his accidere debuisset, nisi, quæ summa DEI est bonitas, experientia contrarium testaretur. Nullus enim articulus fidei est, quin tam claris & certis ex oraculis erui possit, ut nullus dubitandi locus supersit. Interim tamen negari non potest, quin in illis etiam locis, quæ dicta continent *classica,* subinde aliud sensum invenias, si ipsum Textum intelligas, aliud, si placita sequaris *Interpretum,* qui nunc sententiam Textui contrariam tantum non unanimiter amplectuntur, nunc adeo diversa sequuntur decreta, ut quodnam verissimum sit, difficult-

) 3 (

ficillime intelligi possit. Quid? quod non raro usu
veniat, ut verus loci sensus lateat, ubi sexcenta va-
ria interpretamenta prostant. Ratio hujus phæno-
meni sæpe non alia est, quam quod Theologi pas-
sim, neglecto instrumento philologico, quod rite
tractare non didicerint, theologia quadam traditio-
naria, ut ita dicam, contenti fuerunt, satis se do-
ctos arbitrantes, si loca perperam intellecta torno
philosophico ita aptare possent, ut analogiæ fidei
convenirent. Quanta malorum lerna ex hac Theo-
logorum ignorantia aut negligentia in rem Sacram
redundaverit, hujus loci non est pluribus expone-
re. Hoc tamen reticere non possumus, eos veri-
tati cælesti pessime consuluisse, qui dogmata maxi-
mi momenti precariis superstruxerunt fundamentis,
obscuram atque incertam clamitantes Scripturam,
quam si recte intellexissent, & clarissimam & cer-
tissimam invenissent. Quid hostes veritatis ex hoc
amicorum stupore lucrati sint, clarius patet, quam
ut verbis explicari necesse sit. Sed hæc hactenus.
Nunc proprius ad institutum. Exemplum loci Scri-
pturæ ex ordine classicorum, quem plerique Inter-
pretes perperam intellexerunt, nobis exhibet ora-
culum Esaiæ Capite VIII commate 2c. ubi tantum
non omnes vocem Ηνω Auroram exponunt, cum
tamen, notio obscuritatè, nostro quidem judicio,
hic multo rectius tueatur locum. Hæc interpreta-
tio quam solido nitatur fundamento, hoc specimi-
ne Academico pro virili nobis propositum est ostendere.
Interea Te, Lector benivole, quo decet

studio & officio rogamus, ut conatum nostrum meliorem in partem interpreteris.

§. II.

Ut eo rectius in proposito nobis argumento versemur, primo omnium loco Textum Hebræum totius versus, una cum potioribus ipsius versionibus, quas vel antiquiores, vel recentiores excuderunt, exhibuisse juvabit. Verba igitur ipsius Textus sic habent: **לְתֹרֶה וּלְתֹעוֹרָה אִם לֹא יַאמְרוּ כִּרְבֵּר הַזֶּה אֲשֶׁר אָנָׁן לוּ שָׁחָר**. Ex his verbis varium admodum sensum exsculpserunt Interpretes. Eos igitur prius audire volumus, quam quæ nobis sedeat sententia aperiamus. PARAPHRASIS CHALDAICA Jonathanis hunc loci sensum concepit: **כְּרוּן לְהֻזָּן לְאוֹרִיתָה רַאֲתִיחִיבָת לְגָא וּלְסָהָרוֹן אֲזָהָגָא שְׁמַעַן אֶלָּא תְּגִלֵּן לְכִינֵּי עַטְמִיא וּיְמָרוֹן לְכָן כְּפַתְגָּמָא הַרְוָן מְכַעַן לִיתְלִיה מִן רְשָׁחָר וּוּבָעָנוֹן**; i. e. Legem, quæ data nobis est in testimonium, audivimus. Nisi transmigraveritis inter populos, & dixerint vobis juxta verbum hoc: jam non erit ei qui mane consurgat, & requirat illud. Paulo aliter LXX. Interpretes: **Νόμον γὰρ εἰς Βούθριαν ἔδωσεν, ἡν̄ πῶσιν ὅχι ὡς τὸ ῥῆμα τόπο, περὶ ἐγκέπτη δώρῳ δύναται περὶ αὐτῷ.** SYRUM & ARABEM, ob inopiam typorum, describere non licet. Utriusque igitur Latinum interpretamentum ex Polyglottis Anglicanis adposuisse

se sufficiat, eoque magis, quod uterque LXX. Senes fecutus est. ILLE quidem hunc exhibet sensum: *Legem & testimoniorum consulite, ut ne proferrant hujusmodi sermonem, pro quo nullum dari potest munus;* HIC vero nientem rādō adhuc pressius repräsentat hoc modo: *Nam legem dedit eis in auxilium; quominus dicent, nihil par est huic sermoni, pro quo par munus offerri potest.* LATINUS VULGATUS rectius legit, sic transferens: *Ad legem magis, & ad testimonium. Quod si non dixerint juxta verbum hoc, non erit eis matutina Lux.* LUTHERUS vertit: Ja, nach dem Gesetz und Zeugniß. Werden sie das nicht sagen, so werden sie die Morgenröthe nicht haben. Lutherum nata mida sequitur SVECUS, qui sic interpretatur: Ja, efter Lag och witnessbord: om the thet icke sätta, så skola the icke få Morgonrådnan. FENNUS de anno 1758: (Ja pikeminin) Lain jälken ja todisturen? ellei he tåmålan saman jälken sano, niin ei heidän pidä Namuraskoa saaman. DANUS de anno 1749: (Ja) efter Lov, og efter widnesbord; dersom de ikke sige efter dette ord, (da figer,) at ingen (af dem) seer Morgenröden. GALLUS Genevensis de anno 1638: *A la Loi, & à la Temoignage: Que si ils ne parlent selon cette parole-ci, pour vrai il n'aura point de matin pour lui.* ANGLUS de anno 1662: *To the Law, and to the Testimony: if they speak not according to this word, it is because there is no light in them.* DIODATUS: *Alla legge et alla testimonianza: se alcuno non parlerà secondo qu'esta parola (sapiatte) che non (y' è) per lui alcuna aurora.*

SEP. CASTELLIO: *ad legem & ad oraculum: alioquin ea dicent illi, in quibus nihil erit auroræ.* JUNIUS & TREMELLIUS: *Legem & Testimonium consultum: An non loquuntur in sententiam illam unicunque nulla est lucis scintilla.* JOH. CHRIST. ORT. LOBIUS in dissert. peculiari: Nach dem Gesetz und Zeugniß sollen sie fragen, wo sie nicht solche Worte reden wollen, in welchen keine Morgenröthe ist. JOSEPH. FRID. SCHELLING, (in Abhandlung von dem Gebrauch der Arabischen Sprache zu einer gründlicheren Einsicht in die Hebräische) hanc novam habet versionem: (Nein!) zu dem Gesetz und Zeugniß (haben sie sich zu halten): Sollen sie denn nicht nach diesem Worte sprechen, bei welchem kein Blendwerk ist? JOH. DAV. MICHAËLIS in nova versione Jesaiæ manuscripta & Orientalische und Eregetische Bibliothek I. Th. pag. 128: Weisagung und Lehre lasz sie fragen! Wen sie diese Wort nicht nachsprechen wollen, das ohne Blendwerk ist. *Hic dumviri, nostro quidem judicio omnium optime transtulerunt. Et si, quod res est, dicamus, interpretatio illustris MICHAËLIS ideo maxime placet, quod melius convenit cum iis, quæ proxime sequuntur.* Interea etiam ab ea paululum nobis recedendum judicamus in hunc modum transferentes: *Ad doctrinam testatissimam accedere debent consulturi.* Nisi huic verbo, quod nihil obscuritatis habet, congrua dederint responsa; Svethice: Med faståld lara böra the rådföra sig. Gifwa the icke svar enligt detta ordet, uti hwilket intet är något mörkt; så ic. Hanc

Hanc loci translationem deinceps idoneis argumentis munire conabimur. Sic alia nonnulla interponere volumus.

§. III.

Varias Interpretum conjecturas vidimus. Nunc varias Commentatorum sententias lustrabimus. Hi adeo inter se discrepant atque dissentient, ut vel illo solo conficiatur argumento, illis certe non ortam fuisse *Auroram* veritatis, qui eam sibi hoc loco videre visi sunt. Nec hoc magnopere mirandum. Nam cum plerique interpretum spissis in tenebris palpaverint, eo minus a vulgo Commentatorum expectari potuit, ut menda eorum tollerent, quod bonus quoque Homerus subinde dormitat & optimus quisque Commentatorum non raro ad vitia interpretum cæcutiat. Quod venerando patri HIERONYMO Stridonensi, qui omnium patrum Hebraice doctissimus habetur, circa locum nostrum accidit, id huic adserto fidem sine dubio facere potest. Nam cum is in versionem incidisset LXX interpretum, qui, ut vidimus, תְּעִירָה בְּנֵי-יִשְׂרָאֵל & שָׁׁמֶן transtulerant, non aliam ob causam, quam quod pro illo תְּעִירָה, pro hoc שָׁׁמֶן per אַבְלֵתְיָה leverint, tantum abest, ut bonus pater hæc ulcera scalpello philologico aperiret, ut potius emplastro quodam oratorio oblinere satageret, ita rhetorican-
do:

do: Deus Iudeis Legem in adjutorium dedit; adeo ut
 non dicant gentes ad oracula sua fugientes sicut ver-
 bum hoc, quod adjutorii loco Iudeis datum est, quod
 verbum cum gratis datum sit, gratis accipiendo est,
 nec licet pro eo munera offerre. Hæc in se vera
 sunt, sed ea hoc loco dici, falsissimum est. Inter-
 ea HIERONYMUM faciles excusamus. Nam quod
 is acutius non vidit, id profecto non hominis, sed
 temporis culpæ tribuendum. Idem fere de recen-
 tioribus dicendum. Vix enim paulo oculatior cete-
 risque audacior extitit Philologus, qui veteres ali-
 quot errores nova veritatis facula detegere & cor-
 rigere sustinuit, quin aliquid famæ metuendum fu-
 isse senserit a tetra hæretificantium turba, quæ ho-
 mines etiam innocentes, ubi talia audent, atra hæ-
 reseos nota infamare solet. Quorsum vero hæc di-
 cuntur? ut ratio pateat, cur viri etiam sagacissimi
 & eruditissimi satius quandoque duxerint veteres
 sequi translates eorumque errores potius com-
 modis interpretationibus adhibitis mitigare, quam
 illis funditus evulsi simplicem substituere veritatem.
 Hinc de singulis fere vocabulis nostri dicti classici
 tot dissonæ sunt sententiæ doctorum, ut parum ab-
 sit, quin hoc adipicari possit tritum illud: *quot ca-
 pita, tot sensus.* Sic nomina תורתה & תורה, quæ
 a plerisque Lex & testimonium transferuntur, nunc
 idem, nunc diversum, nunc hoc, nunc illud signifi-
 care jubentur. Alii ea assertive, alii interrogative in-
 tellecta volunt. Alii certam juramenti formulam ex
 iis exsculpunt, alii nihil hujusmodi in iis inveni-
 unt.

תעודה תורה præcepta legalia & voce
promissa evangelica innui autumant. Alii illa verbum
Dei scriptum, hac vero oracula voce prolata intelligunt.
Alii paulo aliter תורה Scripta Mosaica, תуורה
vero oracula prophetica interpretantur. Alii denique
sine discrimine totam Scripturam Sacram his vocibus
indigitari sciscunt. Particulas נא אן quidam inter-
rogative sumunt, & an non vertunt, quidam indi-
cative & vel sin minus, vel nisi, vel quod si non ver-
tenda judicant. De sensu vocum non כרבר הזה non
multo magis consentiunt. Quod per se, secundum
hoc verbum, valeant, agnoscunt omnes; Ubi vero re-
currit quæstio & scire volunt, quodnam hic ver-
bum intelligatur, mox gliscit dissensio, aliis verum
Dei verbum, quod Propheta nuper תורה &
vocaverat, aliis inanes Pythonum musitationes, de
quibus paulo superius egerat, eo indicari putanti-
bus. Excipit pronomen רשׁנ, quod æque ambi-
guum faciunt. Hoc enim alii relative, alii adsertive
sumunt, alii redundare putant. Qui adsertive acci-
piunt, illi certe, vel profecto reddunt, qui relative,
illi hoc, una cum sequente לו, cui vertunt. Hoc i-
psum לו, ubi relative sumitur, ab aliis ad doctrinam
ab aliis ad personam refertur. Utrique in partes
abeunt. Ex iis, qui ad doctrinam referunt, alii
clarum Dei verbum, alii perobscura murmura pythoni-
ca hoc pronomine indigitari existimant. Nec unam
eandemque viam ingrediuntur, qui hoc relativum
ad personam respicere docent, Alii enim illud ad
Deastrum, alii ad populum, alii ad personas singulas,

quibus ita octæcatus erat animus, ut falsa hariolorum & pythonum effata, quam vera DEI oracula consulere mallent. Atque ita perventum est ad vocem **הַרְאָה**, in qua cardo omnis hujus quæstionis vertitur. Hanc, præeuntibus illis interpretibus, quos §. II. adduximus, plerique commentatorum auroram vertunt. Quoniam vero *propria* & *physica* vocis significatio hic locum habere nequit, ad *metonymicas* & *metaphoricas* necesse habent configere. Cumque Aurora sit *lucida*, ad notionem *lucis* unice attendunt, in eaque extendenda & applicanda adeo luxuriant, ut quidquid unquam vox lucis in Sacris Litteris tropice significet, id fere omne uni huic voci ohtrudant. Quum aurora suo adventu prima diei initia adferat, & lucem valde debilem spargat, præsertim si cum sole comparetur, rectius omnino faciunt, qui *scintilla lucis* contenti sunt, quam qui satis non habent, nisi universum lucis oceanum quasi exhaustant. Doctissimus CAMPEGIUS VITRINGA scite quidem observat, **הַרְאָה** & **בְּקָרָה** tempus designare matutinum & translate *tempus resurrectionis*, forte quia illucescente aurora surgere solent homines, qui nocte quieverunt. Hinc inferre non dubitat, hoc loco consultoribus Pythonum denegari resurrectionem justorum ad vitam æternam. Haec tenus non inepte. Sed quando mox addit, hac voce denotari simul manifestationem regni Christi atque documenta evidenter gloriae Divine cum eo connexa, vereor, ut notionem tanti splendoris admittat vox, quæ formaliter *nigredinem* valet, & materialiter notat

tat fuscum illud, quod medium est inter lucem & ca-
liginem, sole nondum supra horizontem elevato, ut
Cel. STOCKIUS ad h. v. docet. Pari modo judi-
candum de cæteris, qui Metaphoras & Metonymias
ex lumine auroræ captant. Ferri possunt, quam-
diu lucem cognitionis veritatis cælestis ea voce indi-
cari statuunt. Simul vero ac verum comparisonis
tertium deserunt & non solum lucem gratia sed lu-
cem quoque glorie in aurora querunt, nostro
quidem judicio, audiendi non sunt. Neque
enim facile a nobis impetrare possumus, ut cre-
damus, tam stupidos fuisse Judæos, ut æternam
gloriam ex obscuris hariolorum responsis, aut quæ-
rerent aut exspectarent. Et si vel maxime fuissent,
hanc tamen mentem Prophetæ esse, non tam di-
xisse quam probasse sufficeret.

§. IV.

Hactenus varias aliorum sententias de sensu
verborum oraculi nostri pro ratione instituti stri-
ctum enarravimus. Nunc nostram idoneis argu-
mentis munire incipiems. Omnium igitur primum
nomina תְּרוּתָה & תְּעוֹדָה sub examen vocasse juvabit.
Notio prioris seu תְּרוּתָה communissime poni solet in
Lege, qua voce proprie intelligitur doctrina facien-
dorum & fugiendorum, quæ & internam mentis &
externam operis obedientiam postulat, eamque ut

12

plurimum non tam præmiis & promissionibus elicit,
quam pœnis & comminationibus extorquet. Sed hæc
quidem notio vocis oppido falsa est. Quamvis e-
nīm, ubi Textus Hebræus חורָה habet, ibi in ver-
sionibus legi soleat Lex, Lei, Legge, Lag, Low,
Law, Gesetze sc̄. ut ex adductis modo speciminiibus
ex parte constat, tantum tamen abest, ut hæc no-
tio vim vocis penitus exhauiat, ut potius Lex vix
dimidium ejus ambitum dimetiatur. Hoc eo ma-
gis necesse est scire & tenere, quod hæc manca
vocis nostræ significatio monstrosum quendam Chri-
stianismum in mundum introduxit. Nam cum ve-
rus Christianismus spiritum postulet voluntarium, qui
sponte & libere ea facit, quæ DEO placent, ille vero
spiritus non nisi ex doctrina evangelica nascatur,
ut quidquid boni facere sibi videantur, qui ex le-
ge pendent unice, nihil nisi jussa sapientes, id in
externum opus operatum desinat, quod tantum a ve-
ro distat Christianismo, quantum status Servorum
a statu Liberorum differt. Quid igitur vox חורָה
proprie & præcise significet, non exigui momenti
quaestio est. Eam igitur paulo penitus excusisse
non pœnitabit. Radix חורָה, unde descendit, quam-
vis generatim jaciendi, simulque dejiciendi & injici-
endi significationem habeat, speciatim tamen saepius
de rebus adhibetur acutioribus, quæ, cum jacintur,
objecta penetrare solent, utpote de telis, jaculis, sa-
gittis & id genus aliis. Hinc חורָה pluviam signifi-
cat, quod ejus guttæ, cum decidunt, instar sagitta-
rum terram penetrant, eamque irrigant & fœcun-
dant.

dant. Nec prætereundum, quod **הַרְחִיב** propriæ eam designet pluviam, quæ statim post jacta semina decidit, iisque vim germinandi communicat. Hæc ratio est, cur verbum **הַרְחִיב** in conj. Hiph. instituendi & informandi significationem habeat. Unde prono quasi alveo fluit, vocem **תּוֹרָה**, vi originis, non tam legem speciatim dicere, quam potius generatim *quamvis institutionem, informationem, doctrinam & disciplinam*, sive ea præcipiendo & mandando, sive promittendo & pollicendo instilletur. Hoc loco *doctrinam populo Israëlitico traditam & scriptis Mosaicis comprehensam dicit*, eoque minus evangelium excludit, quod totus cultus Leviticus nihil aliud erat, quam dulcissimum euangelium lingua quadam symbolica propositum & exaratum. Nunc altera vox **תּוֹרָה** paucis excutienda sequitur. Hujus radix est **עֲוֹר**, cuius famosa significatio id importat, quod testes faciunt. Hi vero pro objecto habent veritatem, eamque partim *latentein revelant*, partim *vacillantem confirmant*. Hinc **תּוֹרָה** objectum dicit revelationis & confirmationis seu *doctrinam Divinitus revelatam & firmissimis testimoniosis confirmatam*. Voces igitur **תּוֹרָה** & **תּוֹרָה** unum idemque significant. Quod si vero quis per illam scripta Mosaica, per hanc vero oracula prophetica intelligere vellet, nihil ille faceret, quod a veritate alienum videretur. Interea res eodem fere rediret. Nam *Moses est Prophetarum oceanus*, & quidquid Prophetæ deinceps concionati sunt, id omne rationem habet ulterioris dilucidationis antiqui textus Mosaii, quem partim propius determinant, partim clari-

us illustrant. Sed cum veritas duobus gaudeat testibus, altero *externo*, qui eam aure percipiendam, altero *interno*, qui corde sentiendam exhibet, fieri posse videtur, ut שורה, seu testimonium, hoc loco interiorem conscientiae convictionem indigitet, quam Spiritus Sanctus de veritate in omnibus producit fidelibus, utrumcunque ad foedus pertineant. Nostro certe judicio, inconsulto Judæorum consilio hariolos & pythonicos sciscitandi non minus obstatre potuit interior, quam exterior veritatis sensus. Quod si igitur utrumque conjungamus testimonium, doctrinam habebimus testatissimam, ut in versione monuimus. Sed quomodo, inquies, salva linguae natura, fieri potest, ut duo nomina תורה ו/orה, quae copula sunt connexa, rem unam designent? Immo vero potest. Habemus enim innumeris exemplorum documentis confirmatam regulam Grammaticam, quae modum, non tantum propinat, sed etiam demonstrat. Hendiadys, seu rectius ἐν διαδοχῃ dici solet figura seu regula, vi cuius duorum substantivorum copula connexorum alterum quandoque adiective explicandum est. Hujus regulæ exempla nonnulla in medium produxisse non pœnitabit. Sic ipse VIRGILIUS initio Æneidos scribit: *Arma virumque cano,* pro virum armatum cano. Pari modo *arma viros* que dicit Curtius L. VIII. 14. 1. His præluisit PALÆPHATUS de Cadmo, cum ἀνδρες τε καὶ ἵππα, pro ἀνδρεσσι ὄπλισμένοι, posuit. *Scholia festes* ARISTOPHANIS, vocem πωλίον explicaturus, πωλητας καὶ ἵππη scribit, i.e. *pullus equinus*. Sed ex Sacra forte pagina exempla

pla produci optas. Producam itaque & quidem pri-
 mum Græca ex N. T. Talia sunt ἡ καὶ θεῶν, tinea
 & rosio, pro ὅντις θεώσιος tinea rodens Matth. VI: 19.
 Εὐ περούχη καὶ οὐσία, prece & jejunio, i. e. prece sobria
 & jejuna Cap. XVII: 21. Τάύρος καὶ σέμιατο, tauros
 & coronas, i. e. tauros coronatos Act. XIV: 13. Quod
 coincidit cum illo Virgilii: victori relatum auro vit-
 tisque juvencum, ubi auro vittisque est pro vittis
 aureis. Διὰ δόξης καὶ αἰετῆς, per gloriam & potentiam,
 i. e. per gloriosam potentiam. Sed exempla ex lin-
 gva Hebræa petita desideras. Ex ea igitur nonnulla
 adjecisse juvabit. Sic facite תְּקִוָתְךָ וְצַדְקָתְךָ, judicium
 & justitiam, i. e. exercete justum judicium. Jer. XX:
 3. אַחֲרִית וְתֹקֶה, finem & expectationem, i. e. finem
 expectatum dare Cap. XXIX: 11. שֵׁם וְתִפְאָרָה, ad
 nomen & ornatum, seu gloriam, i. e. ad nomen orna-
 tissimum, seu gloriofissimum. Plura addere nec va-
 eat nec juvat, cum vel ex his paucis constet, quam
 recte se nostra habeat interpretatio, qua duo nomi-
 na תְּעוּרָה וְתוֹרָה doctrinam testatissimam exposuimus.
 Testatissimum vero Latini dicunt, quod verissimum
 est & certissimum. Hæc vero interpretatio non mi-
 nus scopo Prophetæ, quam genio Lingvæ convenit.
 Judæi diro quasi cœstro perciti ad hariolos & pytho-
 nicos consulendos cursitabant. Hi cum nihil veri
 aut certi haberent, non tantum responsa dabant
 ambigua, sed ea quoque mussitando & balbitando tam
 obscure proferebant, ut, quid dicerent aut sentirent
 deceptores, non intelligerent auditores. Cum igitur
 Propheta in eo esset, ut suos a falsissimis & obscu-
 rissi-

rissimis his præstigiis avocaret & ad doctrinam di-
vinitus revelatam revocaret, nihil ipsi tam oppor-
tunum erat, quam hanc doctrinam a summa tum
veritate, tum firmitate commendare. Quod verbum
רִשְׁתָה hic subaudiatur, id dubium esse debet nemini,
qui contextum examinaverit. Commate præceden-
te duo axiomata inculcat Propheta, solum DEUM
populo consulendum esse, nihilque tam esse absurdum,
quam mortuos de fatis vivorum consulere. Ad
hæc eo vehementius animis auditorum imprimen-
da maxime emphatico orationis genere, *interrogativo*
simulque elliptico, utitur. Hoc vero commate mo-
dum, quo DEUS sit consulendus, paulo propius de-
terminat, non aliunde petenda docens responsa,
quam ex verbo DEI revelato, eoque clarissimo atque
certissimo. Post nomina igitur תֹּרוּה & חֻווּה sub-
audiendum est verbum רִשְׁתָה. Id exinde constat, quod
accentus magnus Athnachus hæc nomina construe-
re vetat cum verbo sequente יְאַמְּרוּ, quod eadem
ellipsis in formula contigua commatis proxime præ-
cedentis locum habet, quodque littera ה his nomi-
nibus præfixa eum constructionis modum involvit,
quem verbum רִשְׁתָה tum amat, cum in significatio-
ne consulendi adhibetur. Hoc plurimi observarunt
Philologi, & nominatim perillustris JOH. DAV. MI-
CHAËLIS, idque non ad hunc solum locum, sed a-
libi etiam saepius.

§. V.

Ordine jam excutiendæ veniunt particulæ נָא
לְנָא,

& quæ eas sequuntur vocabula. Primum quidem obseruamus, *DN* proprie *si*, & *N* proprie *non* significare. Hinc *N* *DN* conjunctionem *si non*, vel *nisi* valere, certum est. Hoc multa demonstrant loca Scripturæ, in quibus hæ significatio extra controvrsiam posita est. Exempla hic adponeremus, nisi o. cium nobis fecisset diligentissimus CHR. NOLDIUS in Opere Concord. Partic. Hebræo. Chald. ad quod Lectores remittimus, hæc lege, ut si quo in loco, ex iis, quos ille num 6. adducit, *sin minus* reddi debere videantur hæ particulæ, rem eodem recidere cogitent. Qui formulam juramenti ex his particularis exculpunt, nulla refutatione egent. Quid enim opus fuisset juramento confirmare, tam stolidos esse, vel fore malitos Judæorum, ut nugamenta Pythonica pro Divinis haberent oraculis, cum res ipsa omnibus nota esset, adeo ut publica jam refutatione & castigatione malo occurrentum ducerent, quibus salus ecclesiæ erat commissa? Perinde hoc fuisset, ac si quis hodie, illis in locis constitutus, ubi homines turimatim mulierculas concionatrices conveniunt, coram ipsis locorum incolis, hujusmodi conventicula celebrari, juramento confirmare vellet. Ad verbum igitur אָמַר progradimur. Hoc quamvis generatim dicendi significationem habeat, tot tamen admittit modificationes orationis, ut singulas hic recensere longum foret. Sic, ut alias præteream, in judiciis decernendi, in mandatis jubendi, in promissis pollicendi, in colloquiis vero nunc proponendi, nunc respondendi significationem tuetur. Ultima vero potestas, quæ sola ad nostrum spectat institu-



tum, præter alia Scripturæ loca, quæ adponere negat festinatio, disci potest ex Gen. III: 2. XVIII: 9. XXII: 1. Jos. XIV: 19, 21. Jer. XXXI: 6. Quodnam vero hujus prædicati subiectum sit, id paulo difficilius dignoscitur. Nos certum genus hominum determinare hic non possumus, sed generatim pertinere judicamus ad omnes, qui ab aliis consulerentur, præcipique, ut hi respondaarent, quæ verbo DEI revelato congrua essent, nihilque a quoquam nec proferendum, nec divulgandum, quod huic normæ non congrueret. Eoque minus a nobis impetrare possumus, ut jus responsa dandi ad certas restringamus personas, quod constitutio Reipublicæ Judaicæ ferebat, ut quilibet se pro Prophetâ tamdiu impune gerere posset, quamdiu eventus vaticinia ejus non refellere, modo nihilo proferret, quod doctrinæ Ecclesiæ Israëliticæ receptæ & institutis Mosaicis inculcatæ adversum teneret. Hinc illi etiam ipsi, qui spiritum habebant Pythonicum, tamdiu libere responda dare poterant, quamdiu Mosi non contradicerent. Inter ea mortuorum responsa vel querere, vel propone-re ipse Moses severissime prohibuit. Voces כְּרָבָר נִזְמָן, secundum hoc verbum, non ad vana pythonicorum visa, sed ad verum doctrinæ typum a Mose præscriptum, quem Prophetâ initio commatis חַוָּה שָׁׁウָתָה adpellaverat, referimus. Ratio, cur sic sentiamus, in eo sita, quod aliud non patiatur, neque præclarissima descriptio hujus ipsius verbi, quam verba proxime sequentia involvunt, ut mox videbimus, neque severissima comminatio, quæ in commatibus hoc excipientibus iis denunciatur, qui hanc normam non seque-

sequerentur. Hanc comminationem alii initium capere putant a voce **אשר** in hoc ipso commate, nos vero, calculo rectius subducto, eam commate demum sequente incipere judicamus.

§. VI.

Atque ita ad ultimam oraculi nobis propositi formulam, **אשר און ל' שחר**, pervenimus. Hanc eo diligentius excutere volumus, quod in ea totius negotii cardo vertitur. Prius vero, quam quid tota in recessu habeat, perspicere possumus, verba eius singula seorsim expendere necesse est. Initium igitur faciemus a Pronomine **אשר**. Hoc non, ut multis yisum est, vim *adseverandi* hoc loco habet, sed purum putum est *relativum* ad nomen **בר**, quod proxime præcedit, referendum. Ita tamen hoc pronomen capiendum, ut non seorsim reddatur, sed cum sequente vocula **לו** conjungatur, cum eaque **ונען** quasi vocabulum constituat. Hoc neminem offendere debet. Neque enim insolens est, ut hujusmodi pleonasmum pariat. Hoc vel pueris notum est. Vix enim tertiam partem primi capituli Sacri Codicis prius perlegere possit, quam idoneum rei exemplum in formula **בו זרעה בר אשר** his inveniant. Huic similes deinceps per totum Codicem Hebræum quam sæpius occurunt. Et quamvis hic pleonasmus in sententiis positivis videatur frequentissimus, non tamen desunt loca, qui eundem in sententiis etiam negativis habent. Horum igitur nonnulla hic adlegasse juvabit. Huc pertinet formula **אשר און ל' כסא**, cui non est argentum Jes. LV:1.



אֲשֶׁר אֵין לָהֶם לְחַשׁ
qui incantari nesciunt. Jer. VIII: 17. אֲשֶׁר אֵין לָהֶם
מִתְּאוּמָה, quibus nihil erat. Cap. XXXIX: 10. אֲשֶׁר
אֵין לוֹ סְנִפְירָה, que pinnas aut squamas non habent.
Levit. X: 10, 12. confr. Deut. XIV. אֲשֶׁר אֵין לָהֶם
חוּמָה, que murum non habent. Cap. XXV: 31. אֲשֶׁר
אֵין כְּבָה מָוֶת, que maculam non habet. Num. XIX: 3.
cfr. v. 15. אֲשֶׁר אֵין לָהֶם רָעָה, qui pastorem non ha-
bent. Cap. XXVII: 17. 1. Reg. XXII: 17. אֲשֶׁר אֵין
לְהָקִירָה, que ducentrem non habet. Prov. VI. אֲשֶׁר
אֵין בְּהָמָן, quibus nulla erat macula, nullum vi-
tium Dan. I: 4. Adde Ps. LV: 20. 2. Chron. XVIII: 7.
&c. Ex his similibusque exemplis haud obscure con-
stat, opus non esse Pronomen אֲשֶׁר in aliis linguis
distingita hic vocula exprimere. Non equidem ne-
gamus ei interdum competere vim adseverandi, sed
eam hic locum habere, tum demum concedere co-
geremur, cum hujus opinionis patroni necessariis e-
viciissent argumentis, cum ea incipere apodosio, qua
protasi, quam particula דָּנָה insinuat, respondere
debeat. Cum vero hæc hypothesis idoneo funda-
mento destituatur, eam vocis significationem, quam
& simplicissimam & usitatissimam, in hujus modi qui-
dem constructionibus, invenimus, eo minus defere-
re potuimus, quod hæc voci propria est, & migra-
re non licet regulam, qua proprias ac receptas
vocum significationes tamdiu retinere jubemur, quam-
diu id nulla prohibeat necessitas. Quid? quod to-
tus contextus ex nostra hypothesi facillime fluat, &
hæc interpretatio omnia habeat criteria veritatis,
quaæ unquam optari possint. Inprimis vero eam con-
firmat

21

firmat propria & nativa significatio nominis sequentis **רְחֵשׁ**, quam nunc paucis investigare conabimur.

§. VII.

Hac voce sæpius denotari *auroram*, adeo certum est, ut absurdum essemus, si id in dubium vocare vellemus. Cum vero hæc notio huic loco difficillime adcommmodari possit, de alia aptiori ac veteriori cogitare ipsa necessitas postulat. Si formula nuper adducta ex mente nonnullorum Interpretum transferenda esset: *ei profecto non erit aurora*, sensus omnium simplicissimus esset, eum, qui, deserto verbo Divino, ad inania Pythonicorum somnia consultandi caussa recurreret, prius morte puniendum esse, quam aurora diei proximi oriretur. Sed neque hunc sensum huic loco tribuunt Interpretes, neque per contextum commode tribui potest. Quomodo enim locum invenire potuissent omnia ea mala, quæ Propheta veræ doctrinæ contemtoribus in sequentibus minatur, si singuli eadem nocte e terra viventium deleri debuissent? Præterea duo hic adeo contraria sibi invicem opponit Propheta, ut lux & tenebræ vix plus habeant discrepantiæ, nimirum ex una parte *responsa pythonica*, ex altera vero *verbum Divinum*. Quemadmodum igitur illa in puris putis consistebant præstigiis, quæ vel spiritum fanaticum, vel ingenium fallendi non minus peritum, quam cupidum arguebant, ob eamque caussam nihil veri aut certi habebant, ita hoc ex veritate clarissima atque certissima commendandum erat, eoque magis, quod fortissimum dissuadendi argumentum hinc ex illorum vitiis, illinc ex hujus virtutibus defumi debebat.

bebat. Hinc non satis erat doctrinam Mosaicam titulo testatissimæ ornare, quod nomen חָרָה, ut supra monuimus, importat, sed requirebatur insuper, ut omnem obscuritatis opinionem ex ea denuo removeret. Nunquam enim nimis dicitur, quod nunquam satis discitur. Voci igitur שָׁחַר notionem obscuritatis tribuere, scopo dicentis convenientissimum erat. Eadem fini quoque faret constructio, quam tum laudavimus, cum vocibus אֲשֶׁר־לְךָ notionem ei vindicavimus, & ad nomen רְכָב, quod proxime praecedit, referri debere ostendimus. Illa igitur sola nunc superest quæstio, utrum vox שָׁחַר revera obscuritatem significet? Ipsa radix שָׁחַר propriæ nigrum vel obscurum esse significat. Hoc pessim docent Lexica, Philologis summi subsellii confirmantibus. Quoniam igitur nomina formæ שָׁחַר, ex verbis qualitatis derivata, ipsam quandoque qualitatem significare solent, observante Cel. JOH. SIMONIS in Arcano Formarum Sect. IV. Cap. I. p. 257; nihil omnino obstat, quo minus שָׁחַר nigredinem aut obscuritatem hic valeat. Hanc notionem ulterius confirmant nomina conjugata, utpote abstractum שָׁחֵר, Schachor, nigredo Thren. IV: 8. & concretum שָׁחַר, Schachor, niger, a, m. Levit. XIII: 31, 37. Zach. VI: 2, 6. Cant. I: 6. V: 11. Quid! quod non desint, qui ipsi nostræ voci שָׁחַר nigredinis aut obscuritatis notionem tribuunt, non modo hoc loco, sed etiam Jes. XIV: 12. Hos. X: 15. Joel. II: 2. Amos IV: 13. & alibi. Vide Lexicon Manuale JOH. SIMONIS. Nec hanc vocis significationem negant, qui eam alias præstigias, Blendwerck, interpretari malunt. Eam certe adgnoscit perillstris JOH.

23

JOH. DAV. MICHAËLIS, qui ideo artem magicam
linguis quibusdam Europæis a nigredine, utpote Ger-
manice Schwarzkunst & Svetice Swartkonst, dictam
observat, quod Arabes, unde profecta est, eam de-
nominant a حرف, quod & ipsis *migrum* esse signifi-
cat. Hic igitur pedem figere possemus, nisi paucis
excusanda videretur insolentia, qua ab auctoritate
laudati modo illustris MICHAËLIS recedere ausi su-
mus. Adeo nimirum nos tenet amor veritatis, ut
nullius auctoritatem ei anteponere possimus. Quod
igitur vocem, de qua quæstio est, ad exemplum vi-
ri maximi, non nullas præstigias, intet Gnekeri, sed
nihil obscuri, intet uågot mörkt transtulimus, id fa-
ctum est ideo, quod, ex tenore regulæ nuper allatae,
propriam, quam tropicam nominis significationem
exprimere maluimus, idque eo magis, quod illam
priorē cum scopo dicentis proprius convenire judi-
cavimus. Duas scilicet propositiones hic inculcat
Propheta, alteram, fugienda esse consilia Pythoni-
ca, alteram, quærenda consilia Divina, idque ex
verbo DEL revelato. Medii igitur termini, quo hoc
svadet, & quo illud diss vadet, sibi invicem opposi-
ti esse debent. Jam vero in Pythonibus diserte vi-
tuperat modum respondendi *obscurum*; quatenus con-
silia non clara & certa voce, sed submissa *muffita-*
tione & confusa *murmuratione* proferebant; ergo vi
oppositorum in verbo Divino eam laudat virtutem,
qua illud *non obscurred neque confusum*, sed in se ut
verissimum, ita clarissimum est. Interea omnem Py-
thonicorum artem in fraudulentis præstigiis consti-
tisse adgnoscimus, nec ullo modo negamus, verbum
divini-



)

24



divinitus revelatum ab omni prorsus suspicione artis & fraudis remotius esse, quam a terra cœlum. Ob eamque caussam non dubitaremus interpretationem perillustris MICHAËLIS tanquam omnium, quas vidimus, optimam amplecti, nisi nostra hoc nomine simplicior videretur, quod, præter proprietatem litteræ, quam nuper ostendimus, non aliunde, quam ex insitis textus indiciis, repetit rationem oppositio-
nis, quam *Decus Gottingenhum* paulo altius ex indo-
le oraculorum Pythonicorum, quam Propheta di-
serte non nominaverat, desumit. Interea utrumque
verum est. Et sane re ipsa adeo parum inter nos su-
perest dissidi, ut non dubitemus Lectoribus liberam
facere optionem, utriuscunque eligere malint trans-
lationem, eoque magis, quod de terminis protaseos & apodoseos inter nos conveniat, id quod in
caussa est, cur de interpretatione *Schillingiana* idem
judicium ferre non possimus. Quid! quod ne ver-
bo quidem a translatione perillustris MICHAËLIS
dissensissimus, modo in lingua Svecana non deside-
rassemus vocabulum, quod Germanicum Blend-
wercf commoditate æquare potuisset,

